
ФАРГОНАДА ПРОФЕССИОНАЛ ТАЪЛИМ ТИЗИМИ ХОДИМЛАРИ ШАРАФЛАНДИ

Марғилон шаҳар 2-сон касб-хунар мактабида 1 октябрь – Ўқитувчи ва мураббийлар куни муносабати билан байрам тадбири ташкилланди. Унга вилоятдаги барча профессионал таълим муассасалари – касб-хунар мактаблари, техникум ва коллежлар раҳбарлари, фидойи ўқитувчилар, касб таълими усталари таклиф этилди.

Тадбирда сўз олганлар мамлакатимизда сўнгги йилларда илм-фан ва таълим-тарбия соҳасига давлат сиёсатининг устувор йўналиши сифатида қаралаётгани, ёш авлоднинг ҳаётда муносиб ўрин топишига хизмат қиласиган яхлит ва узлуксиз тизим яратилаётганини таъкидлашди.

Шунингдек, Олий таълим, фан ва инновациялар вазири буйруғига асосан Ўқитувчи ва мураббийлар куни муносабати билан ўрта маҳсус ва профессионал таълим соҳасида фидокорона фаолият юритиб, ёшларнинг сифатли таълим олиши ва касб-хунар эгаллашидаги самарали меҳнати, тизим ривожи учун қўшган муносиб ҳиссаси учун “Ўрта маҳсус ва профессионал таълим аълочиси” кўкрак нишони билан тақдирланган вилоятдаги бир гурӯҳ соҳа фидойиларига кўкрак нишонлари тантанали равишда топширилди.

Тадбирда соҳада кўп йиллар меҳнат қиласиган фахрий устозларга эҳтиром кўрсатилиб, совғалар тақдим қилинди. Фаолиятда ўрнак кўрсатган ўқитувчилар вазирликнинг “Фахрий ёрлиқ”лари билан тақдирландилар.

Байрам тадбири дилтортар куй-қўшиқлар, шўх рақслар билан давом этди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-09-30 09:13:15